



Vischnaunca Andiaast

Uorden forestal Andiaast

Disposiziuns executivas tier la lescha cantunala d'ual (DER tier LfoC)

sebasond sin art. 54 dalla lescha forestala dil cantun Grischun (LfoC) sco era sin art. 38 dall'ordinaziun executiva tier la lescha forestal cantunala (OEGC tier la LfoC)

I. Disposiziuns generalas

Art. 1

Intent

Igl uorden forestal communal regla l'organisaziun, las incumbensas e las obligaziuns dil survetsch forestal dalla vischnaunca.

Art. 2

Egualitad dallas schlatteinas

Las indicaziuns davart las persunas, las funcziuns e las professiuns en quei uorden serefereschan da principi ad omisduas schlatteinas, aschilunsch ch'ei seresulta buca enzatgei auter ord il senn digl uorden forestal.

Art. 3

Principi

Ils uauls da vischnaunca duein saver ademplir lur prestaziuns da protecziun, d'utilisaziun e dil beinstar public a moda durabla. Igl uaul sto vegnir mantenius sco spazi vital per fauna e flora.

II. Administraziun

Art. 4

Organisaziun

¹ Per ademplir sias incumbensas forestalas s'unescha la vischnaunca d'Andiaast cun las vischnauncas da Rueun, Pigniu, Schnaus, Siat e Vuorz el „Revier forestal Rueun“. Ils detagls regla il statut d'organisaziun dil revier forestal.

² La vischnaunca d'Andiaast metta siu terren forestal d'atgna proprietad tenor lescha forestala gratuitamein a disposiziun alla corporaziun dil revier forestal per diever durabel. Ella sa collaborar cun auters survetschs forestals d'autras vischnauncas.

³ Las radunonzas communalas dallas vischnauncas participadas fuorman ensemen igl organ suprem dil revier forestal Rueun.

Art. 5**Administraziun e survigilanza**

¹ L'administraziun e la survigilanza dils uauls communalis uni el revier forestal Rueun ein suttamessas alla cumissiun da revier. Ella ei responsabla per il manteniment e per la cultivaziun nizeivla dils uauls communalis uni.

² La vischnaunca d'Andiast tarmetta 2 delegai ella cumissiun da revier. Sco delegai ein il president communal ed il gerau d'uaul nominai directamein.

³ Il gerau d'uaul representa ils interess forestals en la suprastanza communal ed ella populaziun.

Art. 6**Selvicultur da revier**

¹ Il selvicultur da revier vegn engaschus e salarisus dalla cumissiun da revier tenor las disposiziuns executivas relevantas dil Grischun.

² Al selvicultur da revier ei surschau la gestiun dil menaschi forestal tenor las disposiziuns executivas cantunales¹ e tenor la descripsiun dalla piazza approbada entras la cumissiun da revier. El ei suttamess directamein al president dalla corporaziun.

III. Cultivaziun digl uaul

Art. 7**Finamira**

Ils uauls communalis ein da cultivar tenor las disposiziuns fixadas en la planisaziun forestala.

Art. 8**Program annual e preventiv**

Las lavurs d'uaul sedrezzan tenor il program annual ed il preventiv approbai entras la cumissiun dil revier forestal.

Art. 9**Segirtad da lavur**

Lavurs d'uaul astgan vegnir exequidas sulettamein da luvriers scolai corrispudentamein² ed observond las disposiziuns davart la segirtad da lavur digl ISSA. Ultra da quei astgan lavurs vegnir surdadas a tiarzas personas sulettamein risguardond l'obligaziun necessaria d'agir cun quitau.

Art. 10**Protecziun dalla lenna**

Nua ch'igl ei necessari per motivs fitosanitars e per segirar la qualitat sto la lenna der-schida vegnir allontanada immediatamein ord gl'uaul ni vegnir tractada a moda cumpe-tenta.

Art. 11**Infrastructura**

Per cultivar ils uauls communalis ei da procurar per ina infrastructura cunvegnetta e da mantener tala en in bien stan.

¹ Disposiziuns executivas tier la lescha d'uaul cantunala davart la relaziun da survetsch dils selvicul-turs da revier grischuns.

² Disposiziuns executivas tier la lescha d'uaul cantunala, cap. V/1 SColaziun minimala dils luvriers d'uaul.

Art. 12**Diever dallas vias d'uaul**

¹ Dalls vias d'uaul sa vegnir fatg diever sulettamein per intents forestals ed agricols sco era per las excepziuns lubidas tenor la lescha d'uaul federala e cantunala.

² Ulteriuras excepziuns regla la vischnaunca en in reglament tenor il model dil departement da justia, segirtad e sanidad (DGSS)

IV. Products forestals

Art. 13**Commercialisaziun**

La cumissiun da revier dil revier forestal Rueun commercialisescha ils products forestals e las prestaziuns forestalas il meglier pusseivel. Ella sustegn associaziuns cun medem intent.

Art. 14**Vendita da lenna**

Il selvicultur da revier organisescha la vendita da lenna per la cumissiun da revier dil revier forestal Rueun tenor il statut d'organisaziun resp. tenor cunvegna corrispudenta risguardond ils principis dils "usits dalla fiera da lenna en Svizra".

Art. 15**Consum intern**

Lenna da diever e lenna da brisch utilisada per diever intern vegn messa a quen per prezi da fiera.

Art. 16**Lenna da brisch**

¹ Mintga habitont ha il dretg da retrer lenna da brisch per siu agen diever. Quantum e prezi vegnan fixai entras la cumissiun da revier dil revier forestal Rueun.

² Lenna che vegn buca menada naven entochen la fin digl onn croda senza restituziun anavos al revier forestal Rueun.

Art. 17**Lenna manecla**

¹ Sco lenna manecla vala lenna secca sidretg ni lenna per tiara cun meins che 16 cm diameter a l'altezia dil pèz, sco era roma, scorsa, restonzas da tagl e tocca libra.

² Il dretg da rimnar lenna manecla vegn daus libers cun publicaziun el Fegl official Surselva.

³ Il prezi per ina lubientscha annuala da rimnar lenna manecla vegn fixaus entras la cumissiun da revier dil revier forestal Rueun.

Art. 18**Pignola da Nadal e dascha**

¹ Pignola da Nadal e dascha per cuvierer astgan vegnir tagliai sulettamein sut survigilanza forestala.

² Il selvicultur procura a moda e maniera ordinada ed adequata per il provediment e la furniziun.

V. Protecziun encunter donns

Art. 19

Pascalaziun

L'utilisaziun dils uauls sut pascalaziun ei da reglar en cunvegnyetscha cun il survetsch forestal en reglaments da pascalaziun ni en projects per separaziun d'uaul e pastira.

Art. 20

Fiug

¹ Il far fiug egl uaul ni en vischinonza da tal ei lubius sulettamein sut la cundiziun ch'ei regia negin prighel d'incendis d'uaul particular.

² Pils uauls sper e sur il vitg vala in scamond general da far fiug ordeifer las fueinas ufficialas.

³ Tenor art. 26a dall'ordinaziun per mantener l'aria schubra (OAP) vala in scamond general per barschar curdemus el liber.

Art. 21

Campar

¹ Il campar egl uaul ei scumandaus.

² Sin damonda sa il campar el territori vegnir lubius entras la suprastonza communal.

VI. Terminaziun e mesiraziun

Art. 22

Mesiraziun

Igl uaul vegn mesiraus e terminaus a norma dallas prescripziuns vertentas dil cantun e dalla confederaziun.

Art. 23

Revisiun

La suprastonza communal procura per il manteniment dalla terminaziun ed ei responsabla che las fatschas da terminaziun restian libras. Il manteniment dalla terminaziun els uauls privats ei caussa dil proprietari. Succeda quei manteniment entras la vischnaunca, vegnan ils cuosts adossai proporziunalmein als proprietari.

Art. 24

Protecziun dils tiarms

Igl ei scumandau da midar, devastar ni donnegiar tiarms, auters segns da cunfins sco era puncts da triangulaziun, plinavon terminaziuns da parcelas e stagias da projects.

Art. 25

Cumpletaziun da tiarms

Midadas da cunfins, da fatschas, conducts, vias d'uaul etc. ein da registrar e cumpletar els plans d'uaul. Ils cuosts per las midadas ein d'adossar als caschunaders.

VII. Disposiziuns penelas

Art. 26

Cumpetenza

La suprastonza communal ei cumpetenta per tuts surpassaments encunter igl uorden forestal, aschilunsch che quels ein buca suttamess alla cumpetenza d'ina outra instanza.

Art. 27**Multas**

Ultra dall'obligaziun da surprender l'indemnisaziun cumpleina dil donn vegnan ils surpassaments digl uorden forestal present puni cun multas da 100 entochen 5'000 francs.

Art. 28**Scadenza, mieds legals**

¹ Las multas e l'indemnisaziun dil donn ein da pagar alla cassa communal enteifer in meins suenter la consignaziun dalla disposiziun dalla multa.

² Encunter las multas decretadas entras la suprastanza communal ha il puniu il dretg da recuorer alla dertgira administrativa.

Art. 29**Obligaziun da denunziar**

Persunas officialas ein obligadas da denunziar ils surpassaments che vegnan enconuschents ad els.

VIII. Disposiziuns finalas

Art. 30**Aboliziun dil dretg vertent**

Igl uorden forestal dils 9 d'october 1998 vegn aboliu.

Art. 31**Entrada en vigor**

Quest uorden forestal entra en vigor suenter l'approbaziun entras la radunonza communal e la Regenza dil cantun Grischun.

Approbau entras la vischnaunca d'Andiast tenor conclus dalla radunonza communal dils datum: **23 d'october 2009**

Il president:

igl actuar:

Approbau entras la Regenza dil cantun Grischun tenor conclus dils datum:

Il president:

il cancellier:

Aschunta 1

Uaul privat

Art. 1

Damondas per pinar lenna

¹ En uaul privat sa il possessur pinar lenna senza lubientscha ufficiala (art. 30 LfoC)

- a) per agen diever tochen 3 m³ per onn e hectara en concordanza cun il selvicultur da revier;
- b) per la rumida da lenna terrada dalla neiv ni dal vent, aschilunsch ch'ei vegn pretendiu reginas contribuziuns.

² Per lenna da commerci ni pigl agen diever che survarga 3 m³ per onn e hectara drova ei ina lubientscha digl Uffeci forestal dil Grischun.

³ Damondas da pinar lenna els uauls privats ein d'inoltrar al revier forestal Rueun.

Art. 2

Lenna derschida e da bau

Il possessur d'uaul ein obligai da preveder mesiras da prevenziun e reparaziun per donns d'uaul (art. 3 LfoC). Lenna derschida e da bau ei da pinar continuadamein. Sut la cundiziun che las lavurs vegnan exequidas conform allas perscripziuns ha il possessur d'uaul privat il dretg dallas contribuziuns correspondentas.

Art. 3

Indemnisaziun

Per la lavur dil selvicultur da revier en uauls privats sa il revier forestal Rueun pretender ina contribuziun commensurada.

Art. 4

Access

Tenor art. 699 dil Cudisch civil svizzer (CCS) ei il passar en territori d'uaul ed igl acquist da fretgs da caglia selvadis, bulius e.a.v. lubius a mintgin.
